

# NEWSLETTER

JU Muzej "Alija Izetbegović" Sarajevo

Broj 5/2023 septembar - decembar 2023.



ALIJA  
IZETBEGOVIĆ  
M U Z E J

## AKADEMIJA

povodom 20. godišnjice smrti prvog predsjednika Predsjedništva nezavisne Bosne i Hercegovine 19. 10. 2023. godine



Izložba  
"Sjećanja"  
u Vijećnici



Na Kovačima  
obilježena  
**godиšnjica**  
**smrti**  
predsjednika  
Alije  
Izetbegovića...

**Program obilježavanja 20. godišnjice smrti prvog predsjednika Predsjedništva  
nezavisne Bosne i Hercegovine Alije Izetbegovića**

## Akademija u Narodnom pozorištu

Povodom obilježavanja 20. godišnjice smrti prvog predsjednika Predsjedništva Republike Bosne i Hercegovine Alije Izetbegovića 19. oktobra 2023. u Narodnom pozorištu u Sarajevu održana je svečana Akademija u organizaciji JU Muzej "Alija Izetbegović" i Fondacije "Alija Izetbegović".



U prisustvu brojnih poštovalaca Alije Izetbegovića kao mislioca i državnika Bosne i Hercegovine, članova njegove uže porodice, predstavnika aktualnih vlasti BiH, o liku i djelu Izetbegovića govorili su nekadašnji član Predsjedništva RBiH Mirko Pejanović, bivši član Predsjedništva BiH Šefik Džaferović i Fahrudin Rizvanbegović, u ime Fondacije Alija Izetbegović.



Program je obogaćen umjetničkim dijelom, u okviru kojeg su izvođene kompozicije za koje je poznato da ih je rado slušao rahmetli Alija Izetbegović. Svečanu Akademiju uživo je prenosila Televizija Sarajevo (TVSA). Svečana Akademija je održana pod pokroviteljstvom člana Predsjedništva BiH Denisa Bećirovića







## Program obilježavanja 20. godišnjice smrti prvog predsjednika Predsjedništva nezavisne Bosne i Hercegovine Alije Izetbegovića

### Izložba “Sjećanja” u Vijećnici

U sarajevskoj Vijećnici 16. oktobra 2023. god. s početkom u 19.00 sati svečano je otvorena izložba “Sjećanja” koju je organizovao JU Muzej „Alija Izetbegović“ u saradnji sa J.P. Sarajevo. Izložba je dio programske aktivnosti u sklopu obilježavanja dvadesete godišnjice od preseljenja na bolji



svijet rahmetli Alije Izetbegovića, prvog predsjednika nezavisne Republike Bosne i Hercegovine. Izložba “Sjećanja” približava privatni život Izetbegovića kao porodičnog čovjeka, supruga, oca, brata i djeda.



Hronološki koncipirana, na 40 panoa, izložba prikazuje rijetko viđene originalne dokumente, pisma i porodične fotografije koje je Muzej ustupila porodica Izetbegović. Od Izetbegovićevog djetinjstva i mladosti, obrazovanja, prvih radnih iskustava, preko društvenog aktivizma, dvije robije, početka političkog djelovanja, državništva i perioda agresije na Bosnu i Hercegovinu, pa sve do povlačenja i preseljenja na bolji svijet. Izložba je bila otvorena od 16.10. do 21. oktobra 2023. godine.







## U Sarajevu 19.10.2003. godine na bolji svijet preselio je Alija Izetbegović

Rođen je 8. augusta 1925. godine u Bosanskom Šamcu. Još u ranom djetinjstvu skupa sa porodicom život je nastavio u Sarajevu. Tokom dana odrastanja zainteresovao se za razna djeila pogotovo ona filozofske prirode, što će u značajnoj mjeri izvršiti uticaj na ostatak njegovog života. Po završetku Drugog svjetskog rata kao dvadesetogodišnji mladić djeluje u organizaciji Mladih muslimana, čije ideološko shvatanje svijeta nije bilo istovjetno ideologiji komunizma, što biva razlogom obračunavanja novoformirane Titove Jugoslavije sa članovima organizacije Mladih muslimana.

Tokom 1946. godine Alija Izetbegović biva osuđen na trogodišnju zatvorskiju kaznu, jer je skupa sa svojim prijateljima označen kao državni neprijatelj. Tri godine


boravka u zatvoru Aliju Izetbegovića nisu sprječile da nastaviti živjeti i raditi u skladu sa svojim moralnim, vjerskim, ljudskim vrijednostima, te svoj književni, filozofski, autorski rad nastavlja i u vremenu koje je dolazilo. U poznatom „Sarajevskom procesu“ skupa sa još nekolicinom osuđenih, Alija Izetbegović po drugi put odlazi u zatvor, a kao razlog za presudu u režiranom procesu bio je verbalni delikt, neprijateljski čin pisanja i promišljanja protiv države kroz knjigu Islamska deklaracija. Iako u navedenom djelu ne postoji ništa napisano što bi se moglo okarakterisati kao neprijateljsko prema Jugoslaviji, Alija Izetbegović je prvobitno osuđen na 13 godina zatvora. Nakon navedenog sudskog procesa u kojem je bio osuđen i prije početka suđenja Alija Izetbegović je proveo u zatvoru 5 godina i 8 mjeseci.

Po izlasku iz zatvora angažirao se politički kroz osnivanje Stranke demokratske akcije (SDA), zatim je postao prvi predsjednik Predsjedništva SR Bosne i Hercegovine. Imao je ključnu ulogu na



osamostaljenja Republike Bosne i Hercegovine, te je tokom agresije na domovinu Bosnu i Hercegovinu bio čelni čovjek države. Tokom ratnih strahota i razaranja, trudio se voditi svoj narod i koristiti autoritet koji je posjedovao u pravednu i pravičnu borbu za slobodu Bosne i Hercegovine. I u najtežim vremenima pozivao je na razum, ljudskost, ne dozvoljavajući da Armija Republike Bosne i Hercegovine izgubi obraz i čast, znajući da bi time najveća šteta bila nanesena upravo domovini Bosni i Hercegovini. U skoro pa nemogućim uvjetima skupa sa svim bh. patriوتama Bosna i Hercegovina je preživjela agresiju, Alija Izetbegović, Armija RBH, i sve bh. patriote su sačuvale obraz i u nepravednom svijetu očuvale ideju Bosne. Nakon rata Alija Izetbegović je nastavio s političkim djelovanjem koje će potrajati do 2000. godine kada se ličnom odlukom povlači s pozicije člana Predsjedništva Bosne i Hercegovine.

Na bolji svijet je preselio 19. oktobra 2003. godine, ukopan je na Šehidskom mezarju na Kovačima u Sarajevu. Nepregledna kolona Bosanaca i Hercegovaca je prisustvovala dženazi Alije Izetbegovića čija ostavština će vječno živjeti u svima koji vole Bosnu i Hercegovinu.



ALIJA  
IZETBEGOVIĆ  
MUZEJ

KSC

**JU MUZEJ "ALIJA IZETBEGOVIĆ"  
JU KULTURNO-SPORTSKI CENTAR VOGOŠĆA  
predstavljaju**

**IZLOŽBA FOTOGRAFIJA**

**"DIPLOMATSKI PUT  
ALIJE IZETBEGOVIĆA"**

**13. 10. - 20. 10. 2023.**

Foaje Kulturno-sportskog centra Vogošća, Jošanička 33. Vogošća

Otvorenje 13. 10. (petak) u 18h





**Program obilježavanja 20. godišnjice smrti prvog predsjednika Predsjedništva nezavisne Bosne i Hercegovine Alije Izetbegovića**

## Polaganje cvijeća na Kovačima

Povodom obilježavanja 20. godišnjice smrti prvog predsjednika Predsjedništva Republike Bosne i Hercegovine Alije Izetbegovića, u četvrtak 19.10.2023. godine u 11.00 na Šehidskom mezarju Kovači, porodica, prijatelji, predstavnici političkih i stranih delegacija položili su cvijeće na mezaru i odati počast u znak sjećanja na predsjednika Izetbegovića.




**Program obilježavanja 20. godišnjice smrti prvog predsjednika Predsjedništva nezavisne Bosne i Hercegovine Alije Izetbegovića**

## **Studentska konferencija "Bosna prije svega"**

U velikoj sali Gazi Husrev-begove biblioteke u Sarajevu 12. 10. 2023. godine održana je druga Studentska konferencija o Aliji Izetbegoviću pod nazivom "Bosna prije svega". Organizatori konferencije bili su Fond "Bošnjaci", Muzej "Alija Izetbegović", Fondacija "Alija Izetbegović" i Udrženje "Mladi muslimani".

Prisutnima se, u ime organizatora konferencije, obratio prof. dr. Admir Mulaosmanović pod čijim su mentorstvom studenti, u proteklih nekoliko mjeseci, izučavali pisana djela predsjednika Alije Izetbegovića. U ime porodice prisutnima se obratio g. Bakir Izetbegović uz zahvalu organizatorima i studentima preporučujući mladima da izučavaju djela Alije Izetbegovića, a posebno kada se radi o djelu "Moj bijeg u slobodu".

Na konferenciji je uzelo učešće devet studenata od kojih su većina stipendisti Fonda "Bošnjaci". Studenti su svoje radove prezentovali u tri panela.





## Promocija knjige “Islam između Istoka i Zapada”

U organizaciji Muzeja „Alija Izetbegović“ 5. 12. 2023. godine upriličena je promocija knjige „Islam između Istoka i Zapada“ jednog od najvažnijih i najčitanijih djela Alije Izetbegovića, djelo koje je dobilo najviše međunarodnih i domaćih priznanja te kao takvo zaslužuje dostupnost i širokom auditoriju.

U Bošnjačkom institutu prisutnim su se obratili prof. dr. Enes Karić i Faris Nanić, dipl. ing. građ. govoreći o djelu i pisanoj riječi Alije Izetbegovića uopće.



## Likovna radionica "Moj bijeg u slobodu"

U periodu od 5. 12. do 20. 12. 2023. godine JU Muzej „Alija Izetbegović“ organizuje Likovnu radionicu „Moj bijeg u slobodu“ sa našim cijenjenim umjetnikom Dževdetom Nikočevićem u Centru za kulturu i edukaciju „Safet Zajko“ kojem se ovom prilikom srdačno zahvaljujemo na gostoprимstvu.

Učenici JU Treća gimnazija Sarajevo (II i IV razredi u pratnji prof. Sanide Nuhanović) i JU Srednja mašinska tehnička škola koji učestvuju na radionici imali su priliku upoznati se sa pravilnim načinima posmatranja i razumijevanja umjetničkih disciplina. Cilj ove Likovne radionice je pružiti učenicima srednjih škola s područja Kantona Sarajevo što kvalitetniju edukaciju iz domena likovne kulture.

Radovi će javnosti biti prezentovani na našoj tradicionalnoj manifestaciji „Mladi Ljiljani“ u okviru obilježavanja 1. marta – Dana nezavisnosti iduće godine.





## Posjeta Ministra kulture i sporta Kantona Sarajevo Kenana Magode

Ministar kulture i sporta Kantona Sarajevo Kenan Magoda posjetio je JU Muzej "Alija Izetbegović". Ovom prilikom, direktorica Muzeja Nađa Berberović-Dizdarević je upoznala ministra sa aktivnostima i projektima kojim se obilježila 20. godišnjica smrti Predsjednika Izetbegovića.



## General-pukovnik Vasko Gjurchinovski načelnik Generalštaba AR Sjeverne Makedonije u posjeti



General-pukovnik Vasko Gjurchinovski načelnik Generalštaba Armije Republike Sjeverne Makedonije sa delegacijom posjetio je je 3.11.2023. godine JU Muzej "Alija Izetbegović".

Prilikom posjete, delegacija je upoznata sa muzejskom postavkom, gospodin Gjurchinovski je izrazio zadovoljstvo i čast što se nalazi u Muzeju Alije Izetbegovića, uz isticanje važnosti predsjednika Izetbegovića za Bosnu i Hercegovinu i njegova nastojanja da se sačuva mir na prostoru Jugoslavije.

Kraj posjete general Gjurchinovski je iskoristio za upisivanje u muzejsku knjigu utisaka, te za razmjenu simboličnih darova između Muzeja i gostiju.

Ovim putem se zahvaljujemo delegaciji iz Republike Sjeverne Makedonije na posjeti.



## Ekipa „Sharja TV“ iz UAE-a

U srijedu 29.11.2023. godine JU Muzej „Alija Izetbegović“ je posjetila TV ekipa „Sharja“ iz Ujedinjenih Arapskih Emirata. U okviru projekta snimanja serijala o Bosni i Hercegovini pod nazivom „Moje putovanje“ autori su posjetili Muzej, te uz pomoć domaćina snimili dio serijala koji se tiče Alije Izetbegovića, njegovog života i uloge u važnim godinama za historiju Bosne i Hercegovine. Režiser serijala je Hareth Momani.



## Učesnice prvog i drugog ciklusa **Ljetne škole diplomatičke borave u Kini**

Na poziv Ambasade Narodne Republike Kine u Bosni i Hercegovini, učesnice Ljetne škole diplomatičke borave koju organizuje JU Muzej „Alija Izetbegović“ sa partnerima, imale su priliku učestvovati na Forumu „North East Asia Youth Workshop on Sustainable Development in China“, koji se održao u glavnom gradu Kine, Pekingu. Na Forumu su Bosnu i Hercegovinu predstavljale Kanita i Amina, koje su kroz učešće imale priliku pokazati ranije stečeno znanje, naučiti mnogo novih stvari i kroz upoznavanje novih ljudi sticati iskustvo i graditi nove konekcije.

Ovim putem se zahvaljujemo Ambasadi Narodne Republike Kine u Bosni i Hercegovini na podršci i upućenom pozivu, čime su znatno pomogli realiziranje i podigli na viši nivo aktivnosti koje se tiču Ljetne škole diplomatičke borave.



### Posjete

## Članovi Medžlisa IZ Puračić posjetili JU Muzej "Alija Izetbegović"


Tridesetak članova Medžlisa IZ Puračić su u utorak 31.10.2023. godine posjetili JU Muzej "Alija Izetbegović". Tokom obilaska muzejskih prostorija gosti su imali priliku ukratko poslušati životnu priču Alije Izetbegovića i upoznati se sa sadržajem muzejske postavke.

Posjetiteljima iz Puračića se zahvaljujemo na dolasku, uz nadu da će i u budućnosti biti naši gosti.



## Učenici JU OŠ „Hilmi ef. Šarić“ Tarčin

U petak 6.10.2023. godine JU Muzej „Alija Izetbegović“ su posjetili učenici JU OŠ „Hilmi ef. Šarić“ Tarčin. Učenici su skupa sa svojim nastavnicima ovu posjetu organizovali u okviru manifestacije „Stazama bosanskih gazija“, te im se ovim putem zahvaljujemo na posjeti uz nadu da će u budućnosti ponovo biti gosti Muzeja.



### Posjete

## Srednja mješovita škola "Žepče"

U srijedu 4.10.2023. godine JU Muzej „Alija Izetbegović“ su posjetili učenici Srednje mješovite škole „Žepče“. Učenici su zajedno sa svojim profesorima imali priliku poslušati predavanje o životu Alije Izetbegovića, koje je dopunjeno obilaskom i pregledavanjem muzejske postavke. Učenicima i njihovim profesorima zahvaljujemo na dolasku i pokazanoj zainteresovanosti, uz želju da u budućnosti ponovo budu gosti Muzeja.



## Učenici JU OŠ „Hilmi ef. Šarić“ Tarčin

Učenici OŠ „Grivice“ Banovići i OŠ „Đurđevik“ Živinice su u pratnji svojih nastavnica, u petak 10.11.2023. godine posjetili JU Muzej „Alija Izetbegović“. Tokom posjete učenici su iskoristili priliku da Muzeju uruče svoje literarne, slikovne i sl. radove posvećene Bosni i Hercegovini, Aliji Izetbegoviću itd., a na kojima su vrijedno radili u prethodnom periodu. Nakon toga, učenici su imali priliku poslušati kraće predavanje o životu Alije Izetbegovića, te razgledati Muzej i muzejsku postavku. Učenicima i njihovim nastavnicama se zahvaljujemo na dolasku i saradnji koju ostvaruju sa Muzejom dugi niz godina.



## Virtuelni prikaz kabineta Alije Izetbegovića u zgradi Predsjedništva BiH

U 2023. godini realiziran je projekat digitalizacije arhivske građe JU Muzeja "Alija Izetbegović" koji za cilj ima povećanje dostupnosti i mogućnosti korištenja arhivske građe Muzeja. Digitalna arhiva je od velikog značaja za predstavljanje kulturne baštine Bosne i Hercegovine, kao i za kreiranje novih mogućnosti za korištenje građe Muzeja, a koje uključuju pregled, pretraživanje i pristup digitalnim zbirkama.

Kako bi dio digitalizirane građe bio interesantniji posjetiocima Muzeja a naročito mladima, učenicima osnovnih, srednjih škola pa i studentima u sklopu projekta realizirala se uspostava 3D virtuelnog prostora „Ratni kabinet Predsjednika Alije Izetbegovića u zgradi Predsjedništva BiH“. To podrazumijeva nabavku i instaliranje sadržaja na VR setovima koji će biti u VR kutku Muzeja „Aija Izetbegović“ i dostupan na korištenje posjetiocima.



**VR kutak**  
**Posjetite ratni kabinet  
predsjednika Alije Izetbegovića  
u Predsjedništvu RBiH**



ALIJA  
IZETBEGOVIĆ  
M U Z E J

# JAVNI POZIV

## za prijavu na konkurs za najbolje literarne radove za učenike osnovnih škola

Javna ustanova Muzej „Alija Izetbegović“ poziva sve zainteresovane učenike da se prijave na konkurs za najbolji literarni rad na jednu od navedenih tema. Konkurs će biti otvoren od **07.12.2023.** do **10.01.2024.** godine nakon čega će Nadležna komisija odabrati tri najuspješnija rada koja će biti nagrađena i javno prezentirana.

### Teme za učenike osnovnih škola su:

1. **Buket plavih, bijelih i žutih ruža**
2. **Moja škola / moja ulica nosi ime narodnog heroja**
3. **„Teško je pomagati čovjeku a ne povrijediti njegov ljudski ponos.“ (Alija Izetbegović)**

Za izabrane najbolje radove učenika osnovnih škola obezbjeđene su novčane nagrade i to:

- **Nagrada za prvo osvojeno mjesto iznosi 300 KM**
- **Nagrada za drugo osvojeno mjesto iznosi 200 KM**
- **Nagrada za treće osvojeno mjesto iznosi 100 KM**

Literarne radove dostaviti na E-mail: [konkurs@muzejaliacijaizetbegovic.ba](mailto:konkurs@muzejaliacijaizetbegovic.ba) ili putem pošte na adresu: JU Muzej „Alija Izetbegović“, Evlije Čelebije bb, 71 000 Sarajevo

Neblagovremene i nepotpune prijave neće biti razmatrane.

JU Muzej „Alija Izetbegović“ zadržava pravo cijelokupnog ili djelimičnog objavljivanja uz navođenje imena autora.

Za dodatne informacije svi zainteresovani mogu se obratiti na broj telefona

**033/574-271**

[www.muzejaliacijaizetbegovic.ba](http://www.muzejaliacijaizetbegovic.ba)



ALIJA  
IZETBEGOVIĆ  
M U Z E J

# JAVNI POZIV

## za prijavu na konkurs za najbolje literarne radove za učenike srednjih škola

Javna ustanova Muzej „Alija Izetbegović“ poziva sve zainteresovane učenike da se prijave na konkurs za najbolji literarni rad na jednu od navedenih tema. Konkurs će biti otvoren od **07.12.2023.** do **10.01.2024.** godine nakon čega će Nadležna komisija odabrati tri najuspješnija rada koja će biti nagrađena i javno prezentirana.

### Teme za učenike srednjih škola su:

1. **„Mladima više govorite o ponosu nego o skromnosti, više o hrabrosti nego o pokornosti, više o pravednosti nego o milosrdju“ (Alija Izetbegović)**
2. **„O istoj stvari moguće je bezbroj laži. Istina o njoj je samo jedna.“ (Alija Izetbegović)**
3. **Koncept slobode u savremenom društvu**

Za izabrane najbolje radove učenika srednjih škola obezbjeđene su novčane nagrade i to:

- **Nagrada za prvo osvojeno mjesto iznosi 350 KM**
- **Nagrada za drugo osvojeno mjesto iznosi 250 KM**
- **Nagrada za treće osvojeno mjesto iznosi 150 KM**

Literarne radove dostaviti na E-mail: [konkurs@muzejaliacijaizetbegovic.ba](mailto:konkurs@muzejaliacijaizetbegovic.ba) ili putem pošte na adresu: JU Muzej „Alija Izetbegović“, Evlije Čelebije bb, 71 000 Sarajevo

Neblagovremene i nepotpune prijave neće biti razmatrane. JU Muzej „Alija Izetbegović“ zadržava pravo cijelokupnog ili djelimičnog objavljivanja uz navođenje imena autora. Za dodatne informacije svi zainteresovani mogu se obratiti na broj telefona.

**033/574-271**

[www.muzejaliacijaizetbegovic.ba](http://www.muzejaliacijaizetbegovic.ba)





ALIJA  
IZETBEGOVIĆ  
M U Z E J



# “Islam između Istoka i Zapada”

## autora Alije Izetbegovića



Zbog velikog interesovanja javnosti JU Muzej "Alija Izetbegović", u okviru vlastite izdavačke djelatnosti, štampala je jedno od najvažnijih i najčitanijih autorskih djela Alije Izetbegovića.

Njegova djela su doživjela veliku međunarodnu čitateljsku i analitičku recepciju stoga nam je želja da omogućimo našim domaćim i stranim posjetiocima da se upoznaju sa likom i djelom prvog Predsjednika Bosne i Hercegovine kroz njegovu pisanu riječ.



SCAN ME



Ul. Evlije Čelebije bb, 71000 Sarajevo; Tel: ++387 33 574 271;  
Fax ++ 387 33 574 272 Email: muzejalijaizetbegovic@gmail.com